

Immuttuutit erlippaavinik saliineq

Meeqqavit kigutigissarumanginnera tunniutiinnarfigissanngilat. Piumangikkaluarpalluunniit pingaartuuvoq kigutaasa salinniissaat. Eqqaamassavat illit meeqqavit kigutigittuunissaanut, putoqannginnissaanut pigiuannarnissaanullu akisussaagavit.

Kigutigissarneq marluullusi pinnguarnertut atorussiuk meeqqavit nuannarinerussavaa.


Pingaartuuvoq kigutigissalerukku, meeqqavit kigutai tamaasa takusinnaassaallugit. Pitsaaneruvoq tunuanut nikuillutit issiallutilluunniit tarrarsuutip saavani kigutigissarukku, marluullusi malinnaalluarniassagassi. Namminerli iluarnerutitarsi nassaariniapaallassavarsi.

Barterissat kigummi katersuussimasut manggersinnaasarput. Kigutigissaat naqinnerulaarlugu salissavatit, sakkortusaarnalli. Kigutit qaqorsaataat fluoritalik atortuaannaruk. Pingaarnerpaajuvoq kigutai inornarnerit putunissaannullu qaninnerit salilluassallugit.

Meeraq pingasunik ukioqarpat salilluagassat tassaavoq kigutaasa tunorliit marluk akunneri.

Pingaartorujussuuvoq immuttuutaani erlippaavisa puttuterlaat akunnerisa salilluarnissaat.

Erlippaavisa nutaat akunneri salissavatit kigutigissaatit sanimut saatsillugit uteqattaartilugillu.



Nerereernerup kingorna maluginiartassavat kigutaasa tunorliit akunnerini nerisat sinnikuinik uninngasoqannginnissaa, peerneqanngikkunimmi ikkillulersitsisinnaasaramik aammalu ullut tamaasa peerneqartanngikkunik kigutaasa akorngi putunut qaninnerulersarmata.

